

B. N. C.  
FIRENZE  
1022  
5



1022.5

XXVII

PERIT

1614

THE ACADEMY OF THE ARTS

Vol. 1



# THE ADAMANT

Published by the  
ADAMANT PUBLISHING CO.  
100 N. 1st St., New York, N. Y.

Subscription price, \$1.00 per annum in advance.  
Single copies, 10 cents.  
Entered as Second-Class Matter, June 15, 1902.  
Postage paid at New York, N. Y., June 15, 1902.  
Acceptance for mailing at special rate of postage provided for in  
Post Office Department Circular No. 1103, approved October 3, 1917.  
Postage paid at New York, N. Y., October 3, 1917.  
Postage paid at New York, N. Y., October 3, 1917.





DE ADMIRANDIS B.4

GESTIS QVIBVS SERENISSIMA

ARCHIDVCISSA AVSTRIAE, MAGNA

HETRVRIE DVCISSA

PEREGRINATIONEM SVAM LAVRETANAM

CLARIOREM REDDIDIT.

ORATIO

STEPHANI PEROTII CAMERTIS

*Monachi Cassinensis.*







# SAPIENTISSIMO D. IO. BAPTISTAE STROTIAE

PEROTIVS DE PEROTIIS EQVES SANCTI  
STEPHANI. F. P.



**Q**UANTVM e tua facilitate, vel officij, vel gratia deriuaueris in Stephanum fratrem meum ante proximos hosce menses Florentia commorantem vir omnium humanissime STROTIA, doctissimequè; & ipse frater libenter in omni sermone commemorat; & ego, qui diligentius fortasse, quam ille perpendere consueuerim talium momenta rerum, animo facile consequor quantum nobis inesse possit ad existimationem nominis in tua quà facilitate, quà felicitate momentum: & ne mentiar; nostrum beneuolentia tue fructum ad lucrum immortalitatis, & ad summam nostram nobilitatis appono. Non est simplicitatis mea dissimulare, quid mihi de tua commoditate pollicear. planè ità se res habet. fratris hunc aditum ad humanitatem tuam mea cupiditatis occasionem putau; qua Tibi, quod iam diu mecum ipse meditor ambitiosius fortasse, quam verecundius, meum & aucupanda beneuolentia tua studium indicarem; & fidei mea pignus obstringerem; & perpetuam responsionem officij deuouerem. Nunc adèd, cum ille nuper subito quodam ingenij calore tumultuarij laboris oratiunculam de serenissima MARIE MAGDALENÆ laudibus ex hac proxima peregrinationis eius occasione profudisset; auctor illi fui: quicquid demum illud esset; sub ampli-

tudine tui nominis, in vulgus ut exire pateretur: ut eius officij specie me pariter, in eum gratia tua locum, quem tua mihi patefecisset humanitas, insinuarem. Non eram nescius, in hac laudatione pauciora me desiderare quàm Doctos: tamen illud etiam sciebam, ipsos quoquè Doctos in multis conuiuere, cum amant: simul intelligebam quicquid hic à fratre meo peccatum sit; non argumento peccatum esse, sed stylo. Efferent alij, non nego, clarissima Famina memoriam ingeniosius. nemo fratre meo studiosius, nemo beneuolentius. hoc quoquè dabo, si vis. efferent ornatius, efferent magnificentius. Magis autem ad fidem, aut obseruantiam, venerationemquè non efferent. Eam laudationem ad Te mittimus antequam publicis consignatam litteris Serenissima Domina redderemus: ad Te litterarum, elegantiarumquè omnium expolitione limatum: ad Te communis Domina summa prater ceteros gratia florentem: ad Te Musarum, & immortalitatis Antistitem, ut commendatione tui nominis, & amplitudine dignitatis, ac deductionis tua non tam mei fratris existimationem à doctorem reprehensionibus vindicaremus; quàm ut eius ingenij, beneuolentiaquè cursum erga Serenissimam Dominam immortalibus eius laudibus, quasi facibus incitatum ex hisce carceribus effunderemus ad gloriam. Tu si quod soles, amicorum utilitatibus, ac studijs obsequeris: duplex ex tua consuetudine nobis offeres emolumentum: alterum suauitatis ob amicitia fructum: alterum honestatis, ob amplitudinem tui nominis, nobilitatemque doctrina. Vale.

Dat. Camerini Idibus Ianuarij MDCXIV.

# ORATIO DE ADMIRANDIS GESTIS,

QVIBVS SERENISSIMA MARIA MAGDALENA

Archiducissa Austriæ, Magna Hetruriæ Ducissa

peregrinationem suam LAVRETANAM

reddidit clariorem.



ADMIRABILIS Benignitas vestra, Serenissimi Principes, qua me superioribus diebus excepistis, venerantem Augustissimum Serenitatis vestræ Conspectum dum me iterum studet allicere, fateor, iucundissime rapit. Quamobrem licet e tenebris ad Solem statim educto caliget acies, & oculi præstringantur, tamen idem ille Sol eundem rursus excitat, recreatq. & affuso lumine reddit alacriorem: ita mihi etiam Vos maxima sidera intuenti hebescit quidem non nihil ingenij acies, & linguæ ardor retardatur, sed ab aspectu Serenitatis vestræ tantum alacritatis infunditur, ut quo terrebar Maiestatis splendore, illo eodem excitari me sentiam vehementius. In quo illud est felicitatis meæ, quod argui audacia nequit, quin vestra quam maximè culpetur humanitas. Vobis itaque clarissima Mundi lumina incensi obsequij mei, ac studij obses sit, quando meritis paria, ne concipere quidem imbecillitas virium potest, brevis hæc Augustissimæ MARIAE MAGDALENÆ virtutum, ac laudum commemoratio, atque utinam ea esset, quæ pectora ad pietatem excitaret Mortalium exemplo tam insigni, & singularis meæ in serenissimam Gentem vestram obleruantia testem ipsum Terrarum Orbem aduocaret.

Sanè Medicea Gens nullis splendescere radijs gloriosius poterat,

poterat, quàm Serenissimæ MARIAE MAGDALENÆ  
virtutum . nullis firmiter niti præfidijs, quam huius regis Fœ-  
minæ pietate, prudentia, integritate. Hoc optabat, hoc pro-  
merita fuerat. & iam cœlesti hoc habet munere; quo nullum  
expeti augustius poterit si æternum viuat. Præcellissimæ ergo  
huius Heroinæ facta cum sint copia innumera, varietate iu-  
cunda, genere dissimilia, amplitudine suspicienda præstantia  
vel omnium prima, vel cum primis, facilius fuerit, Serenissimi  
Principes, initium laudationis, quàm exitum inuenire. Im-  
mensus hic mihi Austriacæ amplitudinis, felicitatisq; splendor  
oboritur. immensus laudum campus aperitur. Citius dies,  
horas, puncta temporis, quibus Deo vixit, ac gloriæ nume-  
rem, quam immortalium exempla virtutum. Missa igitur fa-  
ciam auita decora, trophæa, sceptræ, aut verius sceptrorum  
fascès, quos inter enituit tantum mutuata à stirpe splendoris,  
quantum nulla non ætas mirabitur. Sileantur tot Principes  
viri, tot Serenissimi Archiduces, tot sapientissimi Reges, tot  
inuietissimi Imperatores, qui rebus præclare gestis gentem  
Austriacam augustissimam reddiderunt. Etenim ut præcla-  
rum est, gloriosumquè Maiorum stimulis ad omnem laudem,  
atquè amplitudinem inflammari; ita levis, & non ferenda eo-  
rum ostentatio, qui Maiorum clarè gesta suis factis prætende-  
re, & sola nobilitatis voce blandiri sibi consueverunt. Quo illud  
est admirabilius in generosissima MARIA MAGDALENA,  
quod non tam ipsa maiorum titulis letari soleat, quam ij, qui  
antecefferunt triumphare eiusdem gloria debeant. Nam  
quisquis incredibilem huius Fœminæ sapientiam, moderatio-  
nem, verecundiam, castimoniam, & in omni vitæ parte sancti-  
tatem contemplari voluerit, eam non tam brutis hisce e terris  
editam, quam beatissimo e Cœli domicilio lapsam mortalium  
beneficio, atq; ornamento iudicabit. Siquidem egregias, ac  
immortales cum animi, tum corporis dotes, quibus ornata su-  
spicitur, non ad Thuscorum modò, sed ad mortalium omnium  
incolumitatem,

incolumitatem, dignitatemquè, & prudentissima cura, & studio religiosissimo conferre contendit. Minime mirum id quidem nam diuini amoris flamen inde vsque à prima ætate nouellam ac teneram in hortis Christi consitam plantam copiosis, tempestiuisque diuinorum imbribus beneficiorum irrigauit. Hic ego quid perpetuam eius consuetudinem cum cœlestibus, & in orando D E O mentis contentionem commemorè tantus illi cum diuina clementia intimæ necessitudinis vsus intercedit, vt diuina meditati nihil acerbius sit, quam ad humanas non dico voluptates, sed necessitates ab excelsissimarum cogitationibus rerum auocari. Cuius ipsa cœlestis congressus iucunditate, & saluberrimo pastu animorum, vt inquam longissimum tempus extracto cum Deo sermone perfruatur, omnem penitus abiicit molliem in moribus, omnes in victu delicias aspernatur, omnem omnino in vestitu luxuriam, & insignem Augustarum ornatum ad ornatum animi præclara quidem ratione traducit. Quamquam huius generis multa eaq. egregia expresserim melius, dum suppresserim. Age verò quis vnquam in euoluendis historiarum, vetustatisquè monumentis foeminam siuè excelsæ, siuè mediocris fortunæ comperit, cuius tam vehemens fuerit in prostratos, iacentesque caritas? tam pia in ærumnosos misericordia? tam affluens, ac facilis in pauperes pietas? tam ardens in proximos beneuolentiæ caritas? tam insignis, ac integra in omnem ordinem, ætatemque fides? Quid de Mulieris lectissimæ dicam sanctissimorum suauitate morum? de grauissimorum lenitate sermonum? de incredibili in responsis sapientiæ? in consilijs prudentia, in dictis constantia? Quis vnquam humanitatem non ornare dicendo, sed cogitando assequi poterit? Quis ingenii excelsum? quis felicitatem memoriæ? quis exaggeratum robur animi? quis reliqua omnia bona, quæ à Deo plurima, & diuinissima accepit hæc immortalis foemina, vel potius Diua mortalis animo, ne dicam oratione comprehendet? Porro in hoc



hoc Hetrurizæ veluti nobilissimo Theatro quis vnquam vener-  
bundos in hanc Mulierem oculos coniecit, quin infinita in ea  
virtutis abditæ lumina notauerit? adeò aspectus, nutus, voces  
totum deniquè mutam os loquitur sanctitatem. Omnino  
autem hoc habet, vt quòd in egregiis Pictorum, Fictorumquè  
illustrium operibus accedit, quæ quò propius cernuntur, eo la-  
tentis, nequè totam se patefacientis prima facie artis apertio-  
ra lumina transmittunt, vt consuetudo latentis virtutis quos-  
dam quasi radios, licet humilitatis occultantur solertia, emit-  
tat. Quamobrem nemo illam suspicit magis, quam qui fre-  
quentissimè videt. nulli studiosius colitur, quam qui diutius  
caram habet. ita profecto, Diui mortales, solida virtus illu-  
strior semper est in operto, quam in aperro; & quò in conspe-  
ctu rarior, eò conspectior. At quid in summa dicendi copia  
hæreo? quid vox restitas? Dicendum, dicendum est. orationem  
meam per amplissimas laudes ire properantem **MARIÆ  
MAGDALENÆ** in Beatissimam **DEIPARAM** amor, ac  
studium remoratur. quod cum nemo satis pro dignitate pro-  
sequi possit cœteris posthabitis ego vt potero breuiter com-  
memorabo Lauretanam peregrinationem adornatam ea cau-  
sa atq. susceptam. Ergo religiosissimæ Socrus exemplo exci-  
tata, & dulcedine cœlestis Cellulæ allecta accersit suos, sese ad  
iter comparare iubet, cœruleas in honorem cœlestium Regi-  
næ vnicuiquè vestes imperat: inuictumq. pectus nec itineris  
longitudine, nec asperitate viarum terretur, tantam præsen-  
tissimi Numinis benignitatem sibi instillari sentiebat. Nobi-  
lium itaque virorum, iocinarumq. stipata delectu, expecta-  
tissima vbiquè proficiscitur. Quacumquè verò faciebat iter  
incredibili dictu est quanti ad eam concursus vndique fierent.  
nec solum ex ijs vicis, Oppidis, Castellis, quæ augustissimæ præ-  
sentiz suæ luce complebat: sed ex finitimis etiam visendi cau-  
sa veniebant palam professi non tam se Maiestatem Regiam  
comitatumquè admirari, quam facilitatem, comitatemquè

ac æstuantem in eius pectore Religionis ardorem, cum eam cuius opes, fortunaſq. ampliffimas ſcirent ornatu nullo voti cauſa tantum iter vrgeri non ſine manifeſta animi voluptate perſpicerent. Quid hic ego dicam de egentium, ac miſerorum gregibus? qui vndique concurrebant benigniſſimæ Marię Magdalenę clementiam flagitantes, largitatemquę cum ipſa non ſolum ab ærumnoſis numquam auxilium ſuum fruſtra implorari paſſa ſit: ſed tam repente, regięquę extremis pauperum adfuerit neceſſitatibus, vt eius munificentia, ac liberalitas ſingulorum etiam vota præcurreret? Quantam porrò attulerit voluptatem omnibus, quibus noua hæc lux præteriens affuſit, quam magnificę, ac ſplendidę eamdem ſuis ſumptibus ſuperiorum Pontificum lumen, & conſequentium exemplar Paulus V. vbiquę exceperit, ſuperſedebo dicere in præſentia, ne inde beneficentia, ac liberalitas verę Pontificia, hinc virtutes, ac merita verę immortalia, quę verbis illuſtrari nequeunt, obſcurentur. Sileo nunc ego apertiſſima illa verę Auſtriacę pietatis argumenta numquam ſine diuini Numinis imploratione ab hoſpitio diſceſſiſſe, ante diſceſſum rei ſacrę ſemper religioſiſſimę interfuiſſe, quamuis hoc, & prædicandum ſit, & chriſtiano Principe non indignum. Prædicabunt alij fortasſe nullum Oppidum, aut Vicum ingreſſam, quin prius ante Altare ſteterit, vt coeleſti paſtu reficeret animum, quam in diuerſorio conſtiterit: & quò longius Templum aberat, eo alacrius, qua incredibili erat ſupremi Numinis venerandi ei quę gratias agendi cupiditate, rapiebatur: efferent alij laudibus horum ſimilia propemodum infinita, quorum ego libens iacturam facio, quod ea dicenti occurrant mihi, quibus fingi animo religioſiora non poſſunt. Illum dico æſtum animi ſupernis ignibus flagrantis. Illos mentis tacitos reconditosq. ſenſus ex illa beatarum mentium ſuauitate decerptos. Ingentes illas lætitiſas non humanitus conceptas, ſed concluſas diuinitus mente, Nam vbi ventum eſt eo loci, ex

B quo



quo primum sanctissimæ Domus fastigium prospicitur, non  
confirmit solum, verum etiam desiluit subito ac prolapsa in ge-  
nua augustissimi Templi Religionem incredibili gaudio, cum  
omnium admiratione salutavit, & lacrimans præ lætitia, ac  
pietate quanto potuit impetu animi, & ardore immortalitate  
dignissimum Coniugem, integerrimam Socrum, Cognatos  
Liberosq. ad mortaliū felicitatem natos, se se, reliquæ suas, &  
Matris, & Virginis fidei, tutelæquæ commisit. Porro quam  
iucundum spectaculum fuerit toti Piceno pietas hæc Austria-  
ca uti mihi non est facile dicere, ita vobis inuictissimi Heroes  
non difficile iudicare. Nam exemplo tam insigni mortaliū  
Religio, quæ voluptatum lenociniis sopita refrixerat, vehe-  
mentissimè recaluit: coniectisquæ in piissimam Principem  
omnium oculis induerunt iterum homines, quam exuerant  
propemodum Diuini Numinis reuerentiam non ignari æqua-  
liū exempla mouere, Principum imperare, Austriacorum  
cogere. Ergo ut ad optatissimum peregrinationis suæ por-  
tum Heroïna sanctissima appulit Templum intrat sanctitate  
amplissimum, copiosissimum ornamentis, omnium nationum,  
populorumquæ frequentia toto Orbe celeberrimum. Sacratif-  
simum Christi corpus veneratur, ut præclara, ac multa vno  
verbo complectar, Austriacè: externa cœlestis sacelli præci-  
puo quodam studio, eximioq. cultu, & honore prosequitur.  
Interea Custodes valuas eius patefecerant, ut quam primum  
Princeps optima locum illum diuinissimum insisteret, in quo  
Seruatoris nostri, ac Deiparæ Virginis ad omnem posteritatis  
memoriam altius sunt impressa vestigia. At o excelsi animi  
voluntariam deiectionem omnibus suspiciendam. O miram  
rem, & post hominū memoriā inauditā? Quam allexe-  
rat pietas ad Lauretanā Domū venerandā, hanc, ne  
eam veneraretur illicò, eadem pietas est remorata. An ut  
non tam itinere, quam precibus mens fatigata tantisper con-  
quiesceret? minime, minimè verò: sed ut sibi ipsi imperans in  
summo

summo venerationis æstu modum retineret impetum animi venerabunda continuit atq. absistere in animum induxit, vt paratior rediret: & quo singularis eius virtus enituit clarius, magisque in posterum enitescet, nec vnquam excidet vox illa omnium sæculorum memoria dignissima se nequaquam illud studio mortalium, atquè immortalium nobile Tabernaculum ingressuram, nisi prius expiato per confessionem animo salutarem hostiam percepisset. Fortasse, vt liberius integerrimus eius animus in atria Domini deficeret, ac rerum suauitate celestium penitus colliquefceret, afflaretquè deinde intuentibus ea liberalitate suauem, iucundumquè pietatis odorem, qua hausisset diuinitus audissimè. tùm verò voces gaudentium oppressæ sunt religionis magnitudine: officia laudandi cessarunt plusquam laudanda cernentibus. E Templo itaquè digressa, quamuis inuita diuertit ad curandum deuia fessum corpus, & moderato victu, quietequè reficiendum. Verum quando ad eximium illum actum est accedendum, quo in augustissimum, amplissimumquè sacrarium sanctissima Princeps penetrauit absistam vulgaris homo ab illa seclusa diuini Numinis reuerentia, nec temerabo oratione mea tam grande orationis secretum. Sed quemadmodum Thimantes celebris ille Pictor, quem sensum doloris in Iphigeniæ Patruo exprimere nequibat penicillo, textit: cum tamen assequeretur artificio, vt spectatores ipsi suspicarentur illum sensum esse infinitum: sic ego vestra coniectura mihi abutendum esse arbitror, quo per vos ipsi tum preces suas, ac vota inibi suscepta, tum relicta propemodum singularis munificentiae argumenta, opulentissima dona aliqua ex parte attingere suspicione possitis. Ac profecto incrementum pietas, quæ videbatur amplificari non posse, tantum ex ea sumpsit commoratione, quantum cum Florentiam inflammator quam antea rediret, ostendit. Qui nutu omnia regit asseruari permisit in vnico cuiusdam Castelli Templo, quod tot Principes viros excepit

hospites læticas duas. Nemo autem dubitare potest, quin hoc ad illustrandam tantæ Dominæ pietatem, permisserit Deus. Porro Princeps sanctissima noctu excitata ne dicam, admonita diuinitus multo ante lucem inopinatò surgit e lectulo, Tempiumque ingrediens, vt de more rei sacræ interesset, vbi læticas illas vidit repente incredibili religionis amore succensa in hæc fermè verba exarsit. ita ne diuinæ Maiestatis ædem, sedem sanctitatis violari passi estis? Hæcine Christiana pietas, & Religio? Proh superum hominumque fidem. Domum, quæ nunquam orantibus vacua esse deberet, in qua cum timore, & tremore venia cuilibet dies, noctesq. suorum scelerum esset petenda, mortalis improbitas, vel dissimulata, vel imprudens, sed semper impia cœlestium Angelorum spectante acie, nec irruente consceleravit. abripiantur hinc quam citissime, seruentur in agris infirmitatis nostræ subsidia, faxitque Deus ne iterum cœlesti lumine orbatī sacris miscere profana mortalium quis audeat. Vocem inclitam, planeque auream, ac verè Austriam. qua cohibitus angustij spectōris egregius religionis ardor, diuque compressus erupit profusissime, vt vile Castellum splendore tam memorabilis facti redderet immortale. Quid mirum igitur MARIA MAGDALENA Te enim extrema hæc mea venerabunda compellat oratio, Princeps beneficentissima, sit tantum Tibi incolumitatis perennitatisque precari eterni, ac populares nequeunt, quantum ipsa mereris, licet supra quam possint precentur. longè enim ampliora esse merita tua, quam optata votorum perspiciunt, cum Tu mortali specie augustior diuinæ cuiusdam maiestatis indolem vultu præferas. Mihi quidem laudum tuarum impedit turba delectum, atque tam præstat tua præclarissime gesta in summam referre, quam extenuare dicendo. dixisse sufficiat Te vnā diuinitus extare, in qua virtutes simul omnes vigent, quæ singulæ in omnibus prædicantur. Aliarum Heroinarum facta sicui

ego existimo, satis ampla, magnificaque fuere: verum aliquanto minora tamen, quam fama feruntur: sed tua licet pro maximis ab immortalibus ingenijs per Terrarum orbem spargantur, illustriora tamen in omnem temporis æternitatem extabunt. Præsentium quisque miratur in Te tantum esse laudum omnium, virtutumque concentum, ut fortuna cum ratione, cum hilaritate severitas, humanitas cum maiestate, quasi cum acutis grauiâ, ut fieri solet in fidibus proportionem concordent. Atque ut tuarum utar laudum compendio. Nulla clarior gloria esse potest, quam Te regio Serenissimi COSMI connubio gaudere, illumque aureis tuis partibus gloriari, quemadmodum nihil ille à sapientissimo Parente FERDINANDO augustius accepit quam Te Vxorē votorum magnitudini parem, Regno maiorem. Tu tamen nihil Tibi ex fortuna tanti coniugij nisi gaudium vindicas, constanterque non potentiam maximi Coniugis, sed clementiam, ac iustitiam reuereris. Quid mirum igitur si vobis paterna felicitas nihil addiderit, nisi quod scire cœpistis quam bene uterque vestrum felicitatem ferat? Quamobrem iure in ore omnium gentium, ac nationum estis tanta virtute, tanta fortuna, tanta clementia, tanta liberalitate nobilissimum Par, florentissimi Principes: & sanè quorum corporibus ditione, ac potestate non imperatis in eorum animis amore, ac benevolentia dominamini. Vos enim viuida Terrarum ornamenta non tam perpetuam, æternamque famam, quam bonam, ac integram concupiscitis. Hanc verò non imaginibus, statuisque, sed Virtute, ac meritis prorogare contenditis. Idcirco forma, figuraque corporis vestri auro, argentoque exprimitur, at mentis meritò mortalium animis, Sideribusque inciditur. Thuscus vester sapienter nihil habet antiquius quam diuturnam Vobis optare vitam incolumitatem Imperij æternam. Vos Vos in quam estis qui nihil aliud spectatis, quam quod iustitia postulat, præcipit ratio, sapientia

pientia proponit , conscientia recognoscit . Fortunam autem  
 haberis si aliorum meritis meriatur augmentam si vestris angu-  
 stam . Virtute verò cum à vobis omnes alii sint victi , vos-  
 metipsum vincere arduus , at præclarus est labor . Vobiscum  
 vobiscum ipsi certatis explicata vestrarum cohorte virtutum .  
 quæ dimicant inuicem , nec altera alteri cedit , sed omnes in-  
 uictæ , omnes gloriosæ , omnes triumphatrices mutuò inter se  
 nexæ , ac permixtæ aded sunt , vt nemo eas singulatim discer-  
 nat , nec vlla sine summa sui disunctione possit ab altera se-  
 gregari . Vos itaque mundi decora , deliciæque si diuina cle-  
 mentia quam diutissimè seruabit incolumes , id , quod optimus  
 quisque summopere expetit assequetur . Dixi .

FINIS.







MC



